



**Chronicon Monasterii Bödecensis Ordinis Canonic. Regul.
S. Augustini in Diœcesi Paderbornensi**

Probus, Johannes

Monachij, 1731

VD18 12260568

Caput VII. Quòd prædictus Prior propter humilem sui Conversationem à suis subditis timebatur & amabatur, voluitque eos sibi simpliciter obedire.

[urn:nbn:de:hbz:466:1-64645](https://nbn-resolving.de/urn:nbn:de:hbz:466:1-64645)

ipse cum Fratribus suis in sylvâ ligna jam succisa in unum componere vellet, contigit, ut lignum satis grande improvisè super conversi cujusdam manum nomine Henrici Krulenberg laberetur, ita ut eadem manus velut in pressurâ gravi teneretur, dumque Conversus clamandô horribilem sonum faceret præ dolore, quem sentiebat, hi, qui præsentes erant læsam manum de prelo eruebant, & ecce! manus ista velut mollis cera in amplitudinem pressa nullum rotunditatis signum in digitis ostendebat; Prior verò præmemoratam manum apprehendens, singulos ejus digitos fritilandô reduxit in rotundum, ac eandem manum scapulari dicti Conversi involvens, sanctum MELNULPHUM pro sanitate ipsius inclamavit in hæc verba dicens: *Sancte Meinulphe, ora pro nobis, quia tali manu, qua jam laesa est, pro Monasterij tui reformatione nequaquam carere possumus;* Et ecce! in virtuosæ orationis signum supradictus Conversus læsam manum alterâ die sanam recepit.

C A P U T VII.

*Quod prædictus Prior propter humilem sui Conversationem
à suis subditis timebatur & amabatur, voluitque eos sibi
simpliciter obedire.*

Hic dilectus DEO Prior omnem familiaritatis notam cum suis subditis habere devitans ita rigorosum, apparatuque gravem se se coram Fratribus ac Laicis exhibebat, ut nullus ex ipsis levitatis verbum, aut quidquam regulari disciplinæ, vel bonis moribus contrarium præfente Priore ausus fuerit ostendere. Et per hujusmodi factum tam Fratres quam Laicos ad sanctum timorem celeriterque obediendum incitavit, ita, ut omnis nociva libertas, & cervicosa audacia, quam claustralem vitam velut tinea panni ad sui destructionem corrodens demolitur, locum sub hoc Priore nequam habere potuerint. Nam iste Prior in observandis tam in se, quam suis multum fuit rigorosus, & sicut in observandis erat exemplaris, ita subjectos suos observanda voluit observare. Talem etiam in conversatione suâ universis se exhibuit, ut non solum à suis amaretur, sed & laudabiliter timeretur. Et quis tam dilectum DEO Virum non amasset, qui strenuus disciplinæ amator absque reprehensione

hensione humiliter inter Fratres conversabatur , quique , quantum
 gravis Monasterij cura permisit , conventui suo tam in choro quam
 in Refectorio se presentem fecit , & licet tenerimae naturae fuerit ,
 communibus cibis erat contentus , communem etiam cultum in ve-
 stibus ferendis habuit . Quid plura ? cunctis ipse imitabilis erat , nam
 indefessò vitam sanctam gerens , multiplicibus sanctae conversationis
 documentis eam suis posteris tradidit observandam . In tantum e-
 tiam à suis timebatur , ut jussis suis absque contradictione simplici-
 ter obtemperaretur ; voluit enim unumquemque de sibi subjectis id
 facere , propter quod electi DEI ad monasticam solent concurrere
 vitam : Videlicet , propter Christum Praelato etiam ad nutum usque
 simpliciter obedire , & idcirco cum paucis personis multa opera per-
 ficeret solitus erat , ita enim ad jussum suum singuli ad qualiacunque
 opera se promptos exhibebant , ut in operando magis volare quam
 gradatim incedere putarentur , & si unus eorum in operibus , quæ
 operabantur , per se solum totum facere potuisset , nequaquam sibi
 in illo pepercisset . Quid dicam de Fratre (cuius nomen in benedi-
 ctione erit) qui quadam vice in dicto Monasterio cum cæteris ad o-
 perandum deputatus à DEO concupivit , quod dies in horis suis lon-
 garetur , ut eò diutiùs laboribus posset infudare . Attendant hoc il-
 li , qui hodiernis temporibus etiam pro æternâ salute suâ comparanda
 vix ad opera compelli possunt , & insuper in opere pigri potius
 petunt diem expendi torpore quam labore . Quia etiam prædictus
 Prior sibi ipsi extiterat multum rigorosus , exemplarisque in suis fa-
 ctis , contigit , ut discipuli ejus sanæ vitae formam , morumque gra-
 vitatem in ipso attendentes simpliciter eidem dilectionis studiō obe-
 dire satagerent ; haec namque bonorum subditorum est consuetudo ,
 quod simpliciter obedientes nunquam Praelatum suum velut homi-
 nem , sed ut Angelum de cœlo sibi destinatum intueantur , ejusque
 injuncta tanquam ore DEI præcepta pervigili curâ sine murmure exe-
 quantur . Tales etenim sic subjecti non ipsi de vita suâ , sed eorum
 Praelatus in disticto judicij die rationem reddere tenetur . Væ au-
 tem illis , qui in habitu Religioso propriam salutem negligentes , non
 solum suis Praelatis non satagunt obedire , sed & contra ipsos (velut
 Filij Israël in deserto Moysi fecerant) murmurare non verentur . O
 magnum & detestabile malum ! quod quia Dominus in propria per-
 sona

sona in tantum detestatur , ut sic dicat : *Qui vos audit , me audit : & qui vos spernit , me spernit :* murmuratorem sine speciali persecutione inultum abire non permittit . Cujusmodi exempla , quorum longum hic Catalogum annextere possem , adducere ob angustiam temporis supersedeo .

C A P U T VIII.

De rigorosis Exercitiis ad suos subditos.

Praefatus Prior , quia se noverat pro suis subditis redditurum fore rationem , & nolens suam per eorum excessus gravari conscientiam , nec animarum sanguinem in districtissimo Judicij die à suis requiri manibus , quidquid sibi utile visum fuerat , ut subditi ejus ad salutem suarum facerent animarum , hoc ab eisdem penitus voluit observari , quod si quis de subjectis se hoc nescire , quod sibi faciendum fuerat , allegasset , aut etiam invitè hoc fecisset , statim Prior manum apponens subditum de hoc instruxerat cum affectu . Contigit namque quodam tempore prædictum Priorem dicere ad unum de Laicis in Conversum promovendum nomine Henricum Krulenberg , ut iret & mulgeret vaccas , qui dum aliqualiter gravem se ad hoc ostentaret , repente Prior eundem ad locum duxerat , quo mulgendum erat , & manu vas arripiens in propria persona mulgere vaccam cœpit , cùmque Laicus Priorem suum sub vacca sedentem & mulgentem cerneret , viam , quâ evaderet , non inveniens , id , quod anteà facere recusarat , jam cum Priore vaccam mulgens latus adimplebat , sicque subditos suos ad piæ imitationis incitamentum in humilibus exercitiis exerceret non cessavit . Siqui verò fuerint , qui præfatum Priorem in dicto humilitatis opere reprehendere attentaverint , ipsi sibi testes sunt , quod nondum ad humilitatis viam , quâ Regnum Cœlorum scanditur , pervenerint . Quodam etiam tempore , cùm prædictus Prior diligentí consideratione unum de Novitiis satis mollia præ cæteris Fratribus pulvinaria habere in suo strato aniadverteret , fasciculum de filigineis straminibus arctiori modo , quo potuit , in invicem colligavit , & prænominatis pulvinaribus tacite ablatis ad caput tacti Novitij reponeret .